



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, br. 12/03, 34/03, 65/13), čl. 22. stav (2) , 23. i 27. stav (2) Zakona o državnoj službi u Kantonu Sarajevo („Sl.novine Kantona Sarajevo“, broj 31/16) i člana 4. stav (1) Odluke o standardima i kriterijima za imenovanje lica koja nisu državni službenici u organima državne službe Kantona Sarajevo („Sl.novine Kantona Sarajevo“, broj 10/17) ministar saobraćaja Kantona Sarajevo objavljuje

## **J A V N I K O N K U R S**

### **za izbor i imenovanje direktora Direkcije za puteve – Ministarstvo saobraćaja Kantona Sarajevo**

#### **1.Objavljuje se javni konkurs**

za izbor i imenovanje direktora Direkcije za puteve - Ministarstvo saobraćaja Kantona Sarajevo.

Direktora Direkcije za puteve –Ministarstvo saobraćaja Kantona Sarajevo imenuje Vlada Kantona Sarajevo na prijedlog ministra saobraćaja Kantona Sarajevo u skladu sa Zakonom o ministarskim, vladinim i drugim imenovanjima Federacije Bosne i Hercegovine i Odlukom o standardima i kriterijima za imenovanje lica koja nisu državni službenici u organima državne službe Kantona Sarajevo.

Direktor se imenuje na mandatni period od pet godina, uz mogućnost da na osnovu javnog konkursa bude ponovo imenovan na period od pet godina, odnosno najviše dva puta uzastopno.

#### **2. Opis pozicije**

Direktor Direkcije za puteve obavlja sljedeće poslove:

- neposredno rukovodi Direkcijom kao upravnom organizacijom u sastavu Ministarstva saobraćaja,
- organizuje vršenje poslova iz nadležnosti Direkcije,
- predstavlja i zastupa Direkciju u granicama ovlaštenja koja su mu zakonom i drugim propisima stravljena u nadležnost,
- utvrđuje prijedloge poslova i zadataka iz djelokruga rada Direkcije za godišnji program i plan rada Ministarstva,
- obezbjeđuje zakonito, blagovremeno i stručno vršenje poslova i zadataka u Direkciji,
- utvrđuje prijedloge izvještaja o radu Ministarstva iz djelokruga Direkcije,
- donosi i potpisuje stručne i druge akte u izvršavanju poslova i zadataka iz djelokruga Direkcije osim akata koje potpisuje ministar,
- vrši nadzor nad radom i pruža stručnu pomoć zaposlenicima,
- stara se o blagovremenosti u radu upravnih predmeta i vođenja potrebnih evidencija,



- organizuje i unapređuje metode rada, vrši druge poslove po nalogu ministra,
- za svoj rad odgovara ministru i Vladi Kantona Sarajevo.

### 3. Opšti uslovi:

Za direktora Direkcije može biti imenovan kandidat koji ispunjava sljedeće opšte uslove:

- a) da je državljanin Bosne i Hercegovine,
- b) da je stariji od 18 godina,
- c) da ima univerzitetsku diplomu ili akademske kvalifikacije najmanje VII stepena stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja,
- d) da je zdravstveno sposoban za obavljanje poslova predviđenih za ovu poziciju,
- e) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja upražnjene pozicije,
- f) da se na kandidata ne odnosi član IX.1. Ustava Bosne i Hercegovine.
- g) da nije izabrani zvaničnik, nosilac izvršne funkcije ili savjetnik u smislu odredbi Zakona o sukobu interesa u organima Vlasti u Federaciji Bosne i Hercegovine („Službene novine Federacije BiH“, broj 70/08).

### 4. Posebni uslovi:

Kandidat koji se imenuje na poziciju direktora Direkcije mora ispunjavati sljedeće posebne uslove:

- a) da posjeduje diplomu visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 240 ECTS studijskih bodova ili drugog ili trećeg ciklusa Bolonjskog sistema studiranja pravne struke ili završen građevinski fakultet ili ekonomski fakultet ili fakultet za saobraćaj,
- b) da ima najmanje pet godina radnog staža u struci,
- c) da nije ranije osuđivan za krivično djelo (dokaz se pribavlja po službenoj dužnosti i samo za izabranog kandidata.

Prilikom procjene kvalifikacije i iskustva u obzir će se uzeti i sljedeći kriteriji:

- rezultati ostvareni u dosadašnjem radu,
- sposobnost upravljanja materijalnim i ljudskim resursima,
- komunikacijske i organizacijske sposobnosti.

### 5. Kandidovanje

Svi kandidati koji budu na listi sa užim izborom, biće pozvani na intervju pred Komisijom za izbor.

Na odluku o imenovanju direktora Direkcije za puteve zainteresovana stranka može podnijeti prigovor u skladu sa odredbama Zakona o ministarskim, vladinim i drugim imenovanjima Federacije Bosne i Hercegovine .



## 6. Spisak potrebnih dokumenata

Kandidati su dužni uz prijavu na Javni oglas, koji sadrži kraću biografiju, adresu i kontakt telefon, priložiti originalne dokumente ili ovjerene fotokopije kao dokaz o ispunjavanju uslova iz ovog oglasa i to:

- a) uvjerenje o državljanstvu Bosne i Hercegovine, ne starije od 6 mjeseci,
- b) izvod iz matične knjige rođenih,
- c) univerzitetska diploma,
- d) ovjerene izjave kandidata o ispunjavanju općih uslova iz alineja e), f) i g),
- e) ljekarsko uvjerenje ( samo za izabranog kandidata),
- f) uvjerenje/potvrda o radnom stažu ( potpisanu i ovjerenu od poslodavca),

Prijave sa traženim dokumentima dostavljaju se lično ili poštom preporučeno, sa naznakom:

**„PRIJAVA NA JAVNI KONKURS ZA IMENOVANJE I IZBOR DIREKTORA  
DIREKCIJE ZA PUTEVE - NE OTVARATI“.**

na adresu:

Ministarstvo saobraćaja Kantona Sarajevo, Komisija za izbor, ulica Reisa Džemaludina Čauševića 1, Sarajevo, prizemlje.

Na poleđini koverta navesti ime i prezime podnosioca prijave, adresu i kontakt telefon.

## 7. Ostale napomene

Konkurs će se objaviti u „Službenim novinama Federacije Bosne i Hercegovine”, dnevnim novinama „Oslobođenje” kao i na web stranici Ministarstva saobraćaja Kantona Sarajevo”.

Konkurs ostaje otvoren 15 dana od dana objavljivanja.

Nepotpune i neblagovreme prijave neće biti razmatrane.

Kandidati koji budu pozvani na intervju dužni su dati podatke o ranijim i neposrednim rukovodiocima, od kojih se mogu dobiti preporuke i informacije o kandidatima.

Obrasci propisani Zakonomo o ministarskim, vladinim i drugim imenovanjima Federacije Bosne i Hercegovine, će se popuniti neposredno prilikom intervjuja.

Sve informacije u toku postupka kandidovanja su transparentne, osim ako informacije o podnosiocima prijava nisu povjerljive u smislu Zakona o zaštiti ličnih podataka („Službeni glasnik BiH“, br. 49/06, 76/11 i 89/11).

M I N I S T A R

Dr. sc Mujo Fišo

Broj: 04-05-3614/17  
Sarajevo, 17.05.2017. godine



web: <http://ms.ks.gov.ba>  
e-mail: [ms@ms.ks.gov.ba](mailto:ms@ms.ks.gov.ba)  
Tel: + 387 (0) 33 562-058, + 387 (0) 33 562-059  
Sarajevo, Reisa Džemaludina Čauševića 1

